

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Služba za upravu društvenih djelatnosti,
pitanja boraca i opću upravu
Broj: 04-45-19/22-AP-2123
Datum: 18.11.2022.. godine

Na osnovu člana 50. Statuta Grada Zavidovići („Službeni glasnik Općine Zavidovići“, broj 5/2008, 5/a/2008 i 11/2019), člana 32. Odluke o izvršavanju Budžeta općine Zavidovići za 2022. godinu (Službeni glasnik Općine Zavidovići“, broj: 11/2021) i Programa utroška sredstava planiranih u Budžetu općine Zavidovići za 2022. godinu broj: 04-45-18/22-AP-72 od 25.01.2021. godine, i člana 4. stav (6) Odluke o pravima demobiliziranih branilaca Grada Zavidovići i članova njihovih porodica (Službeni glasnik Grada Zavidovići“, broj: 6/2022), Služba za upravu društvenih djelatnosti, pitanja boraca i opću upravu, donosi

KRITERIJE
za utrošak sredstava sa transfera za jednokratne novčane pomoći
za liječenje demobiliziranih branilaca i sredstava sa transfera
za branilačke populacije, tekovine OOR-a i antifašizam

Član 1.
(Predmet Kriterija)

Ovim Kriterijima utvrđuju se uvjeti, način i postupak za ostvarivanje prava na jednokratnu novčanu pomoć za liječenje demobiliziranih branilaca i liječenje nezaposlenih članova njihovih porodica, te za ostvarivanje prava naknade troškova prevoza za liječenje u drugom kantonu demobilisanim braniocima sa područja Grada Zavidovići, sa transfera za jednokratne novčane pomoći za liječenje demobiliziranih branilaca i sa transfera za branilačke populacije, tekovine OOR-a i antifašizam.

Član 2.
(Korisnici prava)

- a) Demobiliziranim braniocem, u smislu ovih Kriterija, smatra se pripadnik Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova (U daljem tekstu Oružane snage), koji je učestvovao u pripremama za odbranu ili u odbrani Bosne i Hercegovine u periodu od 18.09.1991. do 22.04.1996. godine minimalno godinu dana, pod uslovom da ne postoje okolnosti iz člana 36. Zakona o pravima branilaca i članova njihovih porodica („Službene novine Federacije BiH“, broj: 33/04, 56/05, 70/07, 9/10 i 90/17), kao i lice koje je kao maloljetno dobrovoljno stupilo u Oružane snage u istom periodu.
- b) Članovi porodice demobiliziranog branioca, u smislu ovih Kriterija, su roditelji, bračni partner i djeca koja žive u zajedničkom domaćinstvu sa demobiliziranim braniocem.

Član 3.
(Posebni uvjeti)

Lica iz člana 2. ovih Kriterija jednokratnu novčanu pomoć za liječenje demobiliziranog branioca i liječenje nezaposlenog člana domaćinstva demobiliziranog branioca, kao i za ostvarivanje prava naknade troškova prevoza nezaposlenog demobiliziranog branioca za liječenje u drugom kantonu mogu ostvariti pod uvjetom da:

- a) Imaju prebivalište ili boravište na području Grada Zavidovići najmanje 12 mjeseci do mometa predavanja zahtjeva za novčanu pomoć;
- b) Prava iz oblasti boračko-invalidske zaštite ostvaruju u Gradu Zavidovići;
- c) U tekućoj godini u kojoj predaju zahtjev, nisu podnijeli zahtjev ili primili ovaj oblik pomoći za liječenje po istom osnovu, za isto oboljenje, sa istim naznačenim troškovima, iz sredstava Zeničko-dobojskog kantona ili Federacije BiH osim u okolnostima iz člana 4. stav (5) Odluke;
- d) postoje evidentni troškovi koji ukazuju na određeno oboljenje kao i samu hitnost postupanja, a koja nije nastala njihovom krivicom;
- e) za troškove liječenja u privatnim zdravstvenim ustanovama, pored dokaza hitnog postupanja i dokaz da se liječenje nije moglo ostvariti na teret Zavoda zdravstvenog osiguranja;
- f) Dostave adekvatan dokaz od nadležne ustanove za slučajeve iz člana 5. stav (2) ovih Kriterija;
- g) Član porodice nije zaposlen ako se za istog podnosi zahtjev.

Član 4.

(Visina jednokratne novčane pomoći za liječenje)

(1) Visina jednokratne novčane pomoći za liječenje utvrđuje se po svakom zahtjevu posebno vođenjem upravnog postupka.

(2) Iznos odobrene pomoći iz stava (1) ovog člana ne može biti viši od 300,00 KM po jednom zahtjevu osim u izuzetnim okolnostima koje se utvrđuju u svakom pojedinačnom slučaju.

(3) Uzimajući u obzir trenutno zdravstveno stanje, teške bolesti, socio-ekonomske prilike i vremenski period učešća u odbrani BiH.

(4) Teške bolesti, u smislu ovih kriterija su: akutna tuberkuloza, maligna oboljenja, endemska nefropatija, hirurške intervencije na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenja mišićnog sistema, paralize i druga teška oboljenja.

Član 5.

(Visina troškova prevoza za liječenje u drugom kantonu)

(1) Nezaposleni demobilizirani branilac može ostvariti pravo na troškove prevoza radi liječenja u drugom kantonu u visini povratne autobusne karte, o čemu rješenje donosi nadležna služba za oblast branilačko-invalidske zaštite Grada Zavidovići.

(2) Troškovi prevoza se odobravaju za onu vrstu liječenja za koju je od nadležne ustanove data saglasnost za liječenje izvan Zeničko-dobojskog kantona u skladu sa Sporazumom o načinu i postupku korištenja zdravstvene zaštite van područja kantonalnog zavoda zdravstvenog osiguranja kome osiguranik pripada („Službene novine Federacije BiH“, br. 41/01, 7/02 i 14/17).

Član 6.

(Potrebna dokumentacija)

(1) Pored ostvarivanja općih uslova iz člana 12. stav (1) tačke a), d) i i) Odluke o pravima demobiliziranih branilaca grada Zavidovići i članova njihovih porodica, uz obrazac zahtjeva za

ostvarivanje prava na jednokratnu novčanu pomoć za liječenje demobiliziranih branilaca i članova njihovih porodica kao i za ostvarivanje prava naknade troškova prevoza za liječenje u drugom kantonu, korisnik prava je dužan priložiti i dokaze o ispunjavanju posebnih uvjeta za ostvarivanje prava i to:

- a) Uvjerenje o pripadnosti OS (za demobiliziranog branioca) od nadležne službe za vojne evidencije;
- b) Ovjerena izjava o zajedničkom domaćinstvu (kućna lista ovjerena kod nadležnog organa);
- c) Uvjerenje o kretanju ;
- d) Dokaz o radno-pravnom statusu za podnosioca zahtjeva kao i za sve punoljetne članova porodičnog domaćinstva ;
- h) Medicinska dokumentacija i drugi dokazi iz kojih se može utvrditi opravdanost zahtjeva, odnosno oboljenje, hitnost postupanja te troškovi koji su proizašli usljed hitnost (a za troškove liječenja u privatnim zdravstvenim ustanovama, pored dokaza hitnog postupanja i dokaz da se liječenje nije moglo ostvariti na teret Zavoda zdravstvenog osiguranja);
- e) Dokaz od nadležne ustanove za slučajeve iz člana 5. stav (2) ovih Kriterija.
- f) Druge dokaze iz kojih se vidi opravdanost zahtjeva;
- g) Dokaz da nisu ostvarili pravo na federalnom ili kantonalnom nivou vlasti, a po istom osnovu (utvrđuje Služba);
- h) Potvrda banke sa brojem tekućeg računa, odnosno kopija žiro računa podnosioca zahtjeva;
- i) Računi o troškovima liječenja i nabavci lijekova.

(2) Dokumentacija navedena u stavu (1) ovog člana ne može biti starija od 6 mjeseci, te mora biti original ili ovjerena kopija.

(3) Tokom vođenja postupka Služba može tražiti dodatne dokaze radi utvrđivanja činjenica bitnih za ishod rješavanja po zahtjevu.

Član 7. (Podnošenje zahtjeva)

(1) Zahtjev za ostvarivanje prava podnosi se Službi za upravu društvenih djelatnosti, pitanja boraca i opću upravu Grada Zavidovići na posebnom obrascu putem pisarnice (prijemna kancelarija).

(2) Obrazac zahtjeva za ostvarivanje prava na jednokratnu novčanu pomoć za demobiliziranog branioca ili nezaposlenog člana porodice demobiliziranog branioca kao i za troškove prevoza za liječenje u drugom kantonu će se utvrditi kao aneks ovih Kriterija.

Član 8. (Postupak po zahtjevu)

(1) U postupku ostvarivanja prava po zahtjevu za jednokratnu novčanu pomoć za liječenje i kupovinu lijekova kao i za troškove prijevoza za liječenje u drugom kantonu, donosi se upravni akt, odnosno, postupak ostvarivanja prava provodi se u skladu sa odredbama Zakona o upravnom postupku („Službene novine FBiH“, broj 2/98, 45/99 i 61/22), Zakona o pravima demobiliziranih branilaca kao i Odluke o pravima demobiliziranih branilaca Grada Zavidovići i članova njihovih porodica.

(2) Ukoliko lice iz člana 2. stav (1) tačka a) ovih Kriterija ispunjava opće i posebne uslove za dodjelu sredstava, a ako su planirana sredstva u budžetu Grada Zavidovići za

jednokratnu novčanu pomoć za liječenje utrošena do podnošenja zahtjeva, zahtjevu se neće udovoljiti.

(3) U slučaju realizacije utroška sredstava planiranih za troškove prevoza za liječenje u drugom kantonu prije isteka fiskalne godine, preostali zahtjevi podnešeni do kraja godine a po realizaciji planiranih sredstava rješavat će se po usvajanju izmjena i dopuna budžeta ili po usvajanju budžeta za narednu fiskalnu godinu.

(4) Protiv prvostepenog rješenja podnosilac zahtjeva može izjaviti žalbu u roku od 15 dana od dana prijema rješenja Drugostepenoj komisiji za rješavanje po žalbama izjavljenim protiv prvostepenih rješenja i drugih prvostepenih akata Gradonačelnika.

Član 9.

(Odobranje sredstava)

(1) Odobranje sredstava se vrši u skladu sa planiranim sredstvima u budžetu Grada Zavidovići za ovu namjenu.

(2) Iznos odobrene pomoći ne može biti viši od 300,00 KM po jednom zahtjevu osim u izuzetnim okolnostima koje se utvrđuju u svakom pojedinačnom slučaju, kada se radi o dodjeli jednokratne novčane pomoći za liječenje i kupovinu lijekova demobiliziranog branioca i nezaposlenog člana njegovog porodičnog domaćinstva.

(3) Iznos odobrene pomoći za troškove prevoza radi liječenja u drugom kantonu ne može biti veći od visine povratne autobusne karte od mjesta prebivališta do mjesta liječenja.

(4) Na osnovu Prijedloga Službe za upravu društvenih djelatnosti, pitanja boraca i opću upravu Grada Zavidovići, Gradonačelnik Grada Zavidovići zaključkom odobrava dodjelu sredstava.

(5) Za ostvarivanje prava na jednokratnu novčanu pomoć za liječenje i troškove prevoza za liječenje u drugom kantonu, tokom 2022.godine sredstva će se odobravati sa transfera za branilačle populacije, a u 2023. godini jednokratna novčana pomoć će se realizovati putem transfera za jednokratnu novčanu pomoć za liječenje.

Član 10.

(Stupanje na snagu)

Kriteriji se primjenjuju za Budžetsku 2022. i 2023. godinu.



POMOĆNIK GRADONAČELNIKA

Idriz Alihodžić, prof.